

淳化縣志

一
函
五
冊

淳化縣志卷十一

知縣事南州萬廷樹重纂

宮殿簿第九

黃帝明庭

漢書郊祀志黃帝接萬靈明庭明庭者甘泉也注服虔曰黃帝升仙之處也 又公孫卿曰黃帝乃治明庭明庭甘泉也

泰林光宮

文選注云漢宮闕疏曰甘泉泰林光宮秦時二世所造也 顏師古漢書注秦二世造泰林光宮 又云泰林光宮縱廣各五里漢又于其旁起甘泉宮 又云泰林光

秦離宮名也。三輔黃圖：光宮縱廣各五里，在雲陽縣界。長安志云：漢宮廣疏曰：甘泉林光宮，秦二世造。又云：關中記曰：林光宮，一曰甘泉宮，秦所造。在今池陽縣西北，故甘泉縣。甘泉山上，周回十餘里。漢武建元中，增廣之，周回十九里一百二十步，有宮十二，臺十一。武帝嘗以五月避暑於此，八月乃還。程大昌集錄：秦之林光，至漢猶存。元封二年，始即磨盤嶺山，秦宮之側，爲宮，是爲漢甘泉。孟康曰：甘泉一名林光。師古曰：漢于林光旁起宮，非一名也。文景皆幸甘泉，不曰有宮，當是秦林光尚可用也。武帝雖別一宮，而林光如故。

長定宮

三輔黃圖林光宮有長定宮

漢書外戚傳宣帝

皇后成帝許皇后並居長定宮

仙人觀

三輔黃圖秦林光宮仙人觀緣山谷行至雲陽三百
八十里入右扶風周回五百四十里 亮吉按此條
長安志兩引之並作三百八十里與徐堅初學微異
漢甘泉宮

三輔黃圖甘泉宮一曰雲陽宮

漢書文帝紀三年

五月上幸甘泉注臣瓚曰甘泉山名應劭曰甘泉在
馮翊雲陽縣師古曰甘泉在雲陽本秦林光宮晉灼

曰雲陽甘泉黃帝以來祭天圓邱之處也 郊祀志
建元三年武帝因齊人李少翁言作甘泉宮中爲臺
室畫天地太乙諸鬼神而置祭具以致天神元鼎四
年夏六月得鼎公孫卿曰黃帝接萬靈明庭明庭者
甘泉也方士多言古帝王有都甘泉者其後天子又
朝諸侯甘泉 金日磾傳曰磾母詔圖畫于甘泉宮
外戚傳圖畫李夫人于甘泉宮司馬彪續漢書輿
服志大駕公卿奉引大將軍驂乘屬車八十一乘備
千乘萬騎西都行祠天郊甘泉備之官有其注名曰
甘泉園簿 史記正義云括地志曰秦之林光宮漢
之甘泉在雍州雲陽西北八十里 魏書地形志雲

陽有雲陽宮

元和郡縣志雲陽宮卽秦之林光宮

漢之甘泉宮在雲陽縣西北八十里甘泉山上周迴
十餘里去長安三百里望見長安城黃帝以來祭天
園亭處也漢武帝以五月避暑于此八月乃還太
平寰宇記云關中記曰林光宮一曰甘泉宮秦所造
在今池陽縣之西北故甘泉山上周回十餘里三輔
黃圖云甘泉宮漢武帝建元中增廣之周十九里漢
儀注曰甘泉宮去長安二百里望見長安城開山圖
曰雲陽先王之墟也中有神書鐵券玉石之記長
安志云關中記曰甘泉宮有銅人二在門外餘與太
平寰宇記同亮吉按王應麟玉海稱關輔記今考

與樂史宋敏求所據關中記文同疑屬一書也

甘泉苑

三輔黃圖武帝置甘泉苑緣山谷行至雲陽三百八十里入右扶風周五百四十里舊志甘泉苑在縣北車盤嶺漢時上林苑在南甘泉苑在北皆秦苑漢修廣之所包地甚廣其名則專主耳

甘泉谷

長安志云十道志曰今按甘泉谷北岸有古槐樹在故宮之南雲陽宮記曰甘泉宮北有槐樹今謂之玉槐樹在麟盤峙三二百年木也舊杜傳咸以爲此南陽甘泉賦所謂玉樹青蔥者也

前殿

漢官儀注武帝于甘泉宮更置前殿始廣諸宮室
芝甘泉殿邊房中漢舊儀芝有九莖金色
朱實夜有光乃作芝房之歌玉海云三輔黃圖甘
泉宮一曰雲陽宮史記始皇二十七年作甘泉宮及
前殿築甬道自咸陽屬

紫殿

三輔黃圖漢武帝起紫殿雕文刻鏤黼黻以玉飾之
成帝永始四年行甘泉郊泰畤神光降于紫殿
西京雜記武帝設雲帳雲幄雲幕于甘泉紫殿世謂
之三雲殿

靈波殿

述異記甘泉宮南昆明池中有靈波殿七間皆以桂爲柱風來自香

應門

甘泉賦注晉灼曰應門正在燔闕之內也

通天臺

漢書武帝紀元封二年夏四月至瓠子臨決河還作

甘泉通天臺

史記作通天臺

注師古曰言此臺高

上通於天

郊祀志公孫卿曰僊人好樓居于是上

令長安則作飛廉桂館甘泉則作益壽延壽館使卿

節設具而候神人廼作通天臺

漢舊儀通天臺

高三十丈去長安三百里望見長安城 漢儀

有承露仙人掌擎玉杯承雲表之露元鳳間臺自

壞前省化爲龍鳳隨風雨飛去 漢武故事築通天

臺去地百餘丈望雲雨悉在其下去長安三百里望

見長安城黃帝以來祭天闕邱處武帝祭太乙上通

天臺舞八歲童女三百人置祠祀招仙人祭太乙令

人升通天臺以候天神天神既下祭所若大流星乃

舉烽火而騰竹官望拜 王溫舒傳上欲作通天臺

覆中尉脫卒得數萬人作上說拜爲少府 西域傳

贊營千門萬戶之宮立神明通天之臺 括地志雲

陽宮有通天臺 元和郡縣志通天臺在雲陽縣西

北八十一里甘泉宮中高三十五丈望雲雨悉在下
上林賦置酒乎顙天之臺注張揖曰顙同上于顙
天也舊志通天臺今遺址猶存高二十餘丈又
云按關中記左右通天臺則是雙臺對峙通靈臺不
在此列故西都賦又云抗仙掌以承露搃雙立之金
莖也

侯神臺

三輔黃圖通天臺亦曰侯神臺又曰望仙臺

望仙臺

見上

通靈臺

漢武帝內傳鉤弋夫人既殯香聞十餘里哀帝悼疑其非常人也乃起通靈臺于甘泉常有一青鳥集臺上太平寰宇記云雲陽宮記曰鉤弋夫人從至甘泉而亭尸香聞十里餘葬雲陽武帝思之爲起通靈臺于甘泉宮有一青鳥集臺上往來至宣帝時乃止

騰光臺

洞冥記武帝建元二年起騰光臺以望四遠常有飛光如星集於臺上亦曰經星臺集方士說仙事

招仙臺

洞冥記又起招仙之臺於明庭宮

原注卽甘泉宮別

名於臺上撞碧玉鐘

望風臺

洞冥記太初二年起甘泉望風臺

竹宮

漢書郊祀志成帝初罷甘泉泰畤作南郊日大風壞
甘泉竹宮 禮樂志武帝祀太一于甘泉就乾位也
正月上辛用事甘泉園 郊祀志祠至明夜有神光集祠
壇天子自竹宮望拜注韋昭曰以竹爲宮天子居中
漢舊儀竹宮去壇三里

高光宮

玉海云開輔記甘泉有高光宮

洪崖宮

長安志甘泉宮有洪崖宮 漢甘泉宮記近則江寧

孝皇

弩法宮

長安志甘泉宮有弩法宮 漢甘泉宮記儲胥弩法

棠梨宮

漢書注師古曰棠梨宮在甘泉苑垣外 張揖曰棠梨宮在雲陽東南三十里 玉海云關輔記甘泉苑南有棠梨宮

師得宮

漢書注師得宮在雲陽界其餘皆甘泉苑垣內之宮 漢甘泉宮記棠梨師得接于外

壽宮

漢書郊祀志武帝病癒起幸甘泉置壽宮注臣瓚曰壽宮奉神之宮也

北宮

漢書郊祀志又置壽宮北宮張羽旗設共具以禮神君

增城宮

三輔黃圖增城宮在甘泉宮垣內

走狗宮

史記甘泉又有增城走狗天梯瑤臺等
亮吉按黃圖有增城宮則下三者蓋皆宮觀名

通天宮

漢武故事通天臺旁又有通天宮

益壽館

漢書郊祀志甘泉則作益壽延壽館 史記作益壽

延壽觀

延壽館

史記益延壽觀正義括地志曰延壽觀在雍州雲陽縣西北八十一里通天臺西八十步 索隱云漢武故事曰延壽觀高三十丈

迎風館

漢書楊雄傳武帝復增通天高光迎風宮 又云漢

武帝因泰林光宮元封二年復增通天迎風儲胥露
寒西京賦旣新作于迎風增露寒與儲胥文選
陸士衡詩雪酒迎風館玉海云關輔記武帝作迎
風館

露寒觀

三輔黃圖武帝先作迎風館於甘泉山後加露寒儲
胥二館

儲胥觀

見上

石闕觀

漢書司馬相如傳上林賦麗石闕麗封轂通鳩鵲臺